

(Umuna a Tawen) Ti Anag ti Nakristianuan nga Espiritualidad

Pannakikaykaysa ken Panagkikinnamayet

June 19, 2016

Maikalima a Domingo ti Pentecostes/Domingo dagiti Amma:

Leksion 30: Ti Makapabileg a Pannakabalin ti Espiritu

“The Empowering Power of the Holy Spirit”

Sapasap a Konsepto:

Ti Espiritu Santo pabilgenna ti Iglesia tapno maaddaan iti tured a mangibunannag ti naimbag a damag ken tapno maipatungpal dagiti naipaakem a trabaho.

Kangrunaan a Konsepto iti nadumaduma a tukad ti tawen

N/K/YE:

Ti Espiritu Santo tulongannatayo a mangibaga ti kinasiasino ni Jesus kadagiti sabsabali.

ME/OE:

Ti Espiritu Santo tulongana ti Iglesia a mangibunannag ti ayat ti Dios kadagiti sabsabali a tattao.

Y:

Ti Espiritu Santo pabilgenna ti Iglesia tapno maaddaan iti tured a mangibunannag ti naimbag a damag ken tapno maipatungpal dagiti naipaakem a trabaho.

A:

Ti Espiritu Santo pabilgenna ti Iglesia tapno maaddaan iti tured a mangibunannag ti naimbag a damag ken tapno maipatungpal dagiti naipaakem a trabaho.

DAGITI TEKSTO

Old Testament: Zechariah 4:6

⁶He said to me, ‘This is the word of the LORD to Zerubbabel: Not by might, nor by power, but by my spirit, says the LORD of hosts.

New Testament: Acts 4:1-13

Ephesians 4:13

¹³until all of us come to the unity of the faith and of the knowledge of the Son of God, to maturity, to the measure of the full stature of Christ

PANNAKAILAWLAWAG TI TEKSTO

Dua a paset ni Libro ni Zakarias. Padto to kangrunaan nga insurat ni Zacarias. Ti pnnakaibangon ti baro nga Jerusalem, wenno ti pannakaibangon ti Templo, ti pannakadalus dagiti tattao ti Dios ken ti panawen ti iyaay ti Mesias. Iti particular nga teksto saritaenna ti panangipaay ni Apo Dios ti espirituna a mangbalaliw ken mangallangon ti dati nga Israel...

Mamati dagiti Bibliikal Scholars nga ti Libro ti Aramid ket tuloy ti Ebanghelio ni Lukas. Panggep daytoy a libro no kasano ti annakaisaknap dagiti umuna a pasurot ni Jesus, babaen iti Espiritu Santo nga inbuyatna kadakuada. Ipakitana ti rugi ken puon ti storya ti Kristianismo. Nailanad dagiti amin a tattao isu a nangipaay ti takder, gagem ken biagda para iti pannakaipasdek ti Iglesia.

No man pay iti particular a teksto naibalud da Pedro ken Juan wenno natiliw ken naisaklang da gapu iti panangikaskasabada iti nagungar nga Jesus. Pinabileg ida ti Espiritu Santo tapno agsao ken ilaban ti pammati ken dagiti amin a naktada ken Jesus

Daytoy ti pannakabalin, bileg ket nagtaud iti Dios babaen iti Epiritu Santo. Mamatiak kakabsat nga kastoy met ti panangited ti Dios kadayo ti espiritu nga uray maisaklangtayo babaen iti pammati, nalawag nga ti Dios ipaayna ti pammabilg no la ketdi adda tured ken gagem a mangilaban ti kinapudno.

TARABAY KADAGITI MANGIDALAN WENNO MANGISURO

Ti ministerio ti Iglesia ket awan sabali no di ti ministerio ni Cristo. Ti panangibunannag ti Iglesia ti naimbag a damag ni Jesus ket karitenna dagiti nabibileg iti daytoy a lubong. Dagitoy a nabibileg ket aramidenda amin a pamuspusan a manglapped wenno mangpasardeng ti trabaho ti Ebanghelio. Ti Iglesia ket bassit ken nakapuy ken saan a makaanay dagti sanikuana tapno maipatungpal dagiti trabaho ken akemna. Ngem uray no kasta ti Iglesia pursigido ken agtultuloy iti pananggun-odna gaputta ti bilegna ket nagtaud iti pannakabalin ti Espiritu Santo. Daytoy a namnama ti mangpatured ti Iglesia a mangiyaramid iti missionna.

Ti bileg manipud Espiritu Santo ken maisungani iti bileg kadagiti Gentil kas naipakita idi panawen ni Jesus ken uray pay idi panawen dagiti immun-una a namati. Ti nakuna a bileg ket isut' bileg mangidadanes, mangparigat ken bileg ti kinamanagimbubukodan. Iti sabali a bangir, ti naespirituan a pannakabalin ket agtatrabaho a naalumanay ken natanang, bileg babaen iti nauneg a pammati ken panagmaymaysa ti panunot a mangbirbirok iti pananangtagiben ti panagmaymaysa ti Iglesia. Adda latta temptasion/sulisog kadagiti papangulo ti Iglesia a mangtulad iti bileg dagiti Gentil no kasanoda a gun-oden dagiti bukodda a gunguna, naisangsangayan a pribilehio, dayaw ken nalabes a panagrukbab ti tao kadakuada. Ti naespirituan ken napabileg a panangipangulo ti Iglesia ket awan iti aniaman a dakes a gagemnapananagunddaway no di ket panagsakripisyo nga uray kaguradaka dagiti tattao ken adu a banbanag ti mapukawmo. Daytoy a panpanunot maipapan iti bileg ket ipakitana ti kinarigat/parikut kadagiti miembro isuda a mangusar kadagiti naisangayan a pribilehio babaen kadagiti posisyonda iti sosiudad wenno gobyerno. Sumagmamano ket padpadasenda a risuten babaen iti panangparangda a doble kara wenno aramidenda ti dua a parang ti panagbiagda sigun kadagiti sumangbay a pasamak ken kasasaad. Dagiti dadduma baliwanda ti biag ti Iglesia a maiyannatup kadagiti nakairuamanda nga aramid. Dagiti met sabali bumirokda laengen ti sabali a kongregasion a pakariknaanda iti komportable a kasasaad.

Idinto nga uray dagiti napinget a papangulo ti Iglesia agtalinaedda a narukop kadagiti makaguyogoy a wagas ti Diablo. Ti Iglesia ket isu koma ti mangguyugoy para iti aramid a nadekket a panagtinnulong a mangipadur-as iti kinaurnos nga adda iti Espiritu. Daytoy a kannawidan ket agbalin a paset kadagiti gagangay a biagda babaen iti panangisuro kadakuada dagiti proseso ken istraktura ti organisasion. Kas panangpartuat ti pagannurotan a mangyaramid kadagiti panagmiting no kasano a ti bileg ket iyaramid ken ibibiag ti Iglesia daytoy metten iti testimoniona iti lubong. Agpada ti pananghusga iti panagyaramid ti napolitikalana a bileg ken ti alternatibo a modelo. Dagiti kristiano nga addaan iti posision iti liderato ti gobyerno ket adda iti naidumduma nga akem ken posisyon a mangyaramid ti hustisia ken kaasi.